

جریدہ عالیہ

مشیتِ جلیلہ، اسلامیہ نمک، جریدہ، رسمِ سید

غرہ شعبان سنہ ۱۳۳۲

عدو : ۶

آبدہ بر نشر اولنور

برنجی سنہ

اِزاده اولنه رقی ایجابی اجرا ایدلش اولغله طرف فاضلانله لرندن دخی اولو جهله اقتضاسنک ایفا ونسوخ ملفوفه نك ماحقات قضائه اسراسنه همت اولنسی سیاقنده شقه محبی ترقیم قلندی .

۱۳ رجب سنه ۱۳۳۲ ۲۶ مایس سنه ۱۳۳۰

”ذاکر علی“

« اعلامات شرعیه نك نسخ ثانیه لرندن آلنه حق خرجه دائر »

محاکم شرعیه دن صادر اولوب محکوم علیه تبلیغ ایدیلجه جك اعلام صورتندن اعلامات شرعیه نك تمیز واستینافی حقنده کی تعایات سنه نك دردنجی ماده سی موجبجه بر مجیدیه خرج آلنه جفی کی آندن صکره ورثه نك ویا محکوم علیه ک تعددی حسیله تبلیغ ایدیلجه جك صورتلردن دخی کذلک برر مجیدیه خرج آلنه جفی فقط کرك محکوم علیه وکرك محکوم له طرفلرندن طلب وقوعنده ویریلجه جك نسخه ثانیه لرندن خرج نظامنامه سنک الی برنجی ماده سنه توفیقاً اعلانک اصلندن النان خرجک ربی آلنق اقتضا ایده جکنک شورای علمیه افاده سیله اشعارینه مبادرت قلندی .

*
* *
« رؤس امتحانه دائر »

نام کالات اساملری عالم اسلامیتک بحق مدار اقتضاری اولان اعظم علمای اسلامیه دن بر چوقلرینک مکسب علم و عرفانی بولنان مدارس علمیه نك پرتو فیوضاته مع التأسف عارض اولان ظل انکسافی ازاله یه غیرت وجیه ذمت اولوب بو باده عنایت جلیله صمدانیه استاداً تشبث ایدیلان تدایر صره سنده صرف مزید همتله اکتساب معرفت ایلین ارباب فضل واستعدادک مکتسبات علمیه لرینی حقیله اظهار ایلجه بیاملرینی وشو صورتله اهلیت وفضیلتلری تظاهر ایده جک اصحاب اقتدارک مساعی مصروفه لرندن کندیلرینک مستفید ومکتسبات متبینه لرندن طلبه علومک مستفیض اوله بیلملرینی تامین ایچون شکل مستحسن اولینی غائب ایلهرک صفحات عدیده یه کیرن وصور اخیره سی غایه مطلوبه یی استحصاله غیر مساعد بولنان رؤس امتحانلرینک اساس متین اصل سیله متناسب بر حال کاله افراغی دوشونلش و انشاءالله تعالی ۱۳۳۳ سنه سی محرمنده وضع قدیمی دائره سنده وبرهیئت علمیه عالییه حضورنده غایت جدی رؤس امتحانی اجرایی مصمم بولنشدرد . علوم آله وعالیه تحصیلنه اقدام تام ایله اخذ اجازت ایلش بولنان طلبه علوم ایچون ابراز کاله مدار اوله جق اولان و مسابقینه مطولدن مقدار کافی عباره بالارائه دائره مشیخته بر محل مخصوصده تتبع ایچون بر مدت تعیین ایدیلوب ختامنده سالف الذکر

هیئت مواجیه سنده صرف، نحو، منطق، معانی، بیان، وضع، کلام، اصول حدیث، اصول فقه، و آداب دین شفاهی اوله رق اجراسی مقرر بولان اشبو امتحانه کړک درسعادتده کړک طشرده اجازتنامه آلا نلر اشتراک ایده بیله جک و نتیجه مسابقه ده ابراز اهلیت و رجحان ایدن اون بش افندی به درعقب استانبول رؤسی اعطا ایدیله جکدر . بو امتحانک صورت اجراسنده کی جدیت و نتیجه سندن منتظر اولان نفع و فائده اعتباریله اشتراک آرزو سنده بولنانلرک وقت و زمانیه حاضرله بیلملری ایچون شمدیدن حصول اطلاعاتی مقتضی کورلیدیکندن شروط محرره دائره سنده اشتراک طلبنده بولنه جقلرک تذکره عثمانیه لریخی مستصجاباً محرم ابتداسنده استانبولده بولملری ایچون ایجاب حالک اجراسنه توسل بیورلسی سیاقده تذکره خلوصوری ترقیم قلندی .

نصب و تعیین

مأمورین قلمی اوچنجی صنف کتبه سندن احمد شا کر افندینک وقوع استعفا سنه مبنی یرینه قلم مذکور دردنجی صنف کتبه سندن مصطفی کمال الدین افندی و آنک یرینه یازید درساملرندن و مکتب حقوق مآذونلرندن احمد لطفی افندی لر ترعیماً تعیین قلم مشدر .

*
* *

ایچ ایل مدرسلکنه علاوه مأموریت اوله رق لواء مذکور مفتیسی شا کر افندی تعیین قلم مشدر .

*
* *

بیت المال میز لکنه نقود موقوفه مدیریتی برنجی صنف کتبه سندن مظهر بک ترعیماً تعیین اولمشدر .

*
* *

درس و کالت علییه سی قلمی اوچنجی صنف کتبه سندن قلم مذکور دردنجی صنف کتبه سندن عبدالقادر و یرینه ملغا توزیع تخصصات قلمی کتبه سابقه سندن کمال افندی تعیین قلم مشدر .

*
* *

دار الخلافه العلیه قاضیلکی کتبه سندن جمال افندی درس و کالت علییه سی قلمنده انحلال ایدن اوچنجی صنف کتبه تعیین ایداشدر .

*
* *